

Lix.

Ist sy ein weib man sol in enthaubten. wie man das bescheiden sol das sy maget sy gewesen. das wellen wir auch bewere wie recht sy. mag man iren magt mit recht beweren das ist also. vnd hat sy veruehen das sy man gehebt habe. vnd mag man das bewere mit drey manne so sy ist mit maget gewesen. vñ spricht ein man er sey bey ir gelegē vnd schweret selb dritt sy ist mit maget gewesen. vñ wer dar geet vnd auch selb drit schweret das sy maget sy gewesen das sol man auch glaubē. vñ sol der richter nach der beretung richten. Ein yeglicher man mag an seiner ammen notzog begeen. das sol man über in richten als ob er nie bey ir gelegen wer.

Von der notnunfft merck also.

Vnd ist das ein magt oder ein weib in notnunfft. das ist wider iren willen genommen wirt. vnd wirt sy in ein hauf gefürt wider iren willen. oder ob es ir in einē hauf beschicht. vnd sy ruffet vñ ir kompt nieman zehilff. mag man die leut vnd das hauf überzeu gen selb drit mit den die das ruffen habent gehoret. man sol über die leut richten also. das man in die hant abschlah. man sol alles das töden das in dem hauf ist vich vnd katzen vnd hünr vñ hund. vnd alles das da inne gewesen ist. Vnd ist sy ein magt gewesen vnd das selb drit erzeuget. so sol man in der das gethan hat lebendig begraben. vnd ist sy ein weib gewesen. man sol in enthaubten. vñ dz hauf dar in es beschehen ist das sol man auff die erde schlagen. Vnd kompt man in an der notzog gethan hat. man sol in vaden ioch on gericht. vnd sol in füren für den richter. vnd weret er sich das steet in dem selben rechten als vmb den ächter.

Wie man das wilde iagen sol das merck also.



A gott beschuff den mensche da gab er i gewalt über visch über vogel vnd über alle wilde thier Da von habent die künig gesetzet das niemant seinen leyb noch seinen gesunde verwürchen mag mit disen dingen. Nun habet die herrre bannuost wer men darinne icht thut. da habet sy büsse über gesetzet. als wir hernach wol sagen wölle. sy habē auch über vische bann gesetzet vñ über vogel.